



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1694.

urn:nbn:de:hbz:466:1-29436

do vici, cujus supremus Magister est ipse Rex, insigne, crux cum imagine S. Ludovici gestanda ad pectus & ligamine rubro.

Sicilia hoc anno tam vehementi terræ motu concussa, ut inter medium quadrantem horæ decem venustæ urbes, 40 muris vestita oppida, castella & arces, & plusquam 100 pagi vel corruerint; vel hiantes terra planè subsiderint. Ex hominibus periëre centū & triginta facilè millia, in solâ summa æde urbis Catanensis vivi sepulti sunt fere decies mille, solo illæso Sacerdote, qui ad altare consistens populo benedicturus Venerabile exhibebat.

ANNUS 1694.

Romæ ab Innocentio XII. formata Bulla adversus Nepotismum, cui omnes Purpurati subscribere jubentur. Eiusdem liberalitate pauperum usibus plura passim exstructa Xenodochia, collectæ per duos viros nobiles eleemosynæ, coëmpta frumenta, & ea omnia sapientissimè constituta, quæ sublevandis egenorum necessitatibus, vel necessaria, vel opportuna videbantur.

In Ungaria superiore etiam Gyula, urbs egregia, artèque & natura munitissima, dominio Cæsaris se subjecit. Cæsa-

Cæsariani Duce supremo Generali Caprara castra sua ad Petrivaradinum, pontemque geminum ad utramque Danubii ripam opere multiplici egregiè muniunt, & adversos insultus Turcarum impressionesq; acerrimas per duos & amplius menses fortissimè excipiunt, dum demùm adulto Octobri fractus repetitis cladibus Vezirius lacero exercitu Savum versus fugienti similis viam relegit.

In Catalaunia fortuna Hispanorum magis, magisque claudicare incipit; ad flumèn Terrium commisso prælio cæduntur, fuganturque à Duce de Noailles Mareschallo Franciæ. Eiusdem armis permittere coguntur Palamos, urbem Cataloniæ maritimam non ignobilem, tum Ostalricum; & paucis post diebus etiam Gironam, quæ civitas est amplitudine, divitiis, & sede Archiepiscopali planè insignis.

Minùs infelices fuere in Africa, ubi sub Marchione de Valpariso clade non exigua affecerunt Ismaelem Myleyum Regem Fezæ & Marocci; quâ tamen clade Barbarus minimè territus eodem hoc año corona circumcinxit Ceutam munimentum oræ maritimæ ad angustias Maris Mediterranei no-

bilissimum, in quo expugnãdo post septennem obsidionem, etiamnum laborat, sed conatu irrito.

In Oceano liberè vagati sub Præfecto Barclaiio Angli, post interceptas centum & amplius naves Gallicas varios hostiles porrus infestant, machinisque ignivomis & frequenti globorũ missilium jaculatione Diepum, Portumque Gratia miserè devastant.

Ludovicus Princeps Badensis sumus Cæsaris Legatus post elusos feliciter Gallorum conatus ad Rhenum & Nicrum inopinatò, sumãque celeritate cum potiore parte exercitũs fœderati Rhenum trajicit, & incredibili terrore totam concurrit Alsatiam, quæ non tantum terri, sed & occupari potuisset, vacuis ferè præsidario milite præcipuis ejus munimentis, si qui debuerant, id efficaciter fuissent executi, quod ille prudenter disposuerat. Non rediit tamen sine copiosa præda Germanus miles, cui modò satis fuit ostendisse, quid posset, si vellet.

Veneti in Dalmatia post attritas iteratis cladibus Turcarum copias expugnant Narentã & Ciclutium urbes hujus regni egregias. Eorundem ditioni adjecta Chios, inter insulas maris mediterranei, præcipua.

AN-